

Vitup. G. v. v. v. v. v.
No. 1612

Leonharti Rauwol-
fen/der Arzney Doctorn/vnd be-
stelten Medici zu Augspurg.

Wigentliche beschreibung der Raiff/so er vor
diser zeit gegen Auffgang inn die Morgenländer/ für-
nemlich Syriam, Iudæam, Arabiam, Mesopotamiam,
Babyloniam, Assyriam, Armeniam &c. nicht ohne ge-
ringe mühe vñnd grosse gefahr: selbs volbracht: neben
vermeldung etlicher meh: gar schön frembden vnd auß-
ländischen Gewächsen/ sampt iren mit angehenkten
lebendigen contarfacturen/ vñnd auch anderer
denckwürdiger sachen/ die alle er
auff solcher erkundiget/ ge-
sehen vnd obler-
uert hat.

H. K. Faust
1792

Alles in Vier vnder schidliche Thail mit son-
derem fleiß abgethailt/ vñnd ein jeden weiter
in seine sondere Capitel/ wie dero inn-
halt in zu end gesetztem Re-
gister zúfinden.


In costen vnd verlag Georgen Willers.

Mit Röm. Kay. May. Freyheit
nit nach zútrucken.

Der Aunder Thail

der Kayß/ Doctor Leonhart Rau-
wolffs/ in die Morgenländer: inn welchem
fürnemlich gehandelt wirt/ wie er von Halepo auß
weiter nach Bagadet, auff die alte namhafte Statt
Babyloniam zugezogen/ was er darauff vnder we-
gen weiter gesehen/ vnd was ihme im hin vnd wi-
der rayßen/ zü wasser vnd land begegnet seye.

Mit kurzer vermeldung des hohen
Gebürges Libani, der frömbden
Gewächs/ vnd auch in-
wonern desselbigen.



Von Arzten vnnnd Apoteckern der

Türcken/ meines Mitgesellen vnnnd Gefes-
ten Johaß Ulrich Krafftten/ von Ulm bürtig/ schwe-
ren Türkischen gefengknus/ vnnnd der grossen gefah-
ren/ die ich auff mein widerkunfft in den zwayen Städ-
ten/ Halepo vnnnd Tripoli, hab zügewarten gehabt:

darneben fernner etwas vom morde etlicher

Kauffleüt/ vnnnd anderem/ was ich in

meinem verzug ersehen/ vnnnd

sich weiter hat zü-

getragen.

Das XI. Capitel.



Doff mein widerkunfft gehn Hale-
po, weil ich alda etlicher geschefften halb
lenger still ligen müssen/ kam ich in ersa-
rung/ wie das zwischen der zeit meines
abwesens/ etlichen nit wenigen Italia-
nern vnnnd Frankosen sehr vbel von Juden ihren Arzten
seye gewartet worden: derwegen ich meiner practic vnnnd
alten kundtschafft halb/ nit allein bey ihnen bald widerumb
in ein grössers thün kommen/ sonder noch weiter von Tür-
cken dermassen erkannt worden bin/ das ich wol züschaffen
gehabt/ die ihenigen alle/ so meines raths züpflegen beger-
ten/ mit beschaidenheit also abzuweisen/ damit vnnnd ich
keinen vndanck verdiente: dessen ich gleichwol noch/ ob
ich mich schon ihrer im besten angenommen/ von ihnen het
müssen gewertig sein/ wie ich dann wol wais/ das etlichen
für

Palmwochen dem Cadi alhie/ der blossen gesaffigen stens
 gelein/ des rechten Ribes Arabum (welche rauch/ gar na-
 he eines Einbogens lang/ vnnd guten Daumens dick/ an
 der farb grün/ vnnd vnderhalb/ wie auch Serapiones mel-
 det/ rotlecht) alberait vom Gebürge Libani etliche Säck
 wol waren zugefüret/ das Rob darauß zümachen/ vnnd
 für ihne den Cadi züzurichten. Die hab ich inn seinem
 Hof ligend gesehen/ seind mir auch deren nit wenig die zu-
 uersüchen/ vnnd mit mir haim zutragen/ gegeben worden.
 Was ich sonst alda weiter von Kreüteren auff mein wider-
 kunfft gefunden vnnd gesehen/ weil deren wenig/ hab ich
 oben solcher auch neben anderen/ in einem sonderen Ca-
 pitel gedacht. Von Vöglen hab ich alda etlich seltsame
 gesehen/ sonderlich aber vnder anderen/ die schön grün-
 farb vnnd blaw waren/ welche inn der grösser vnserer Nuss-
 höher/ vnnd von ihnen Sucuruck, von etlichen anderen
 auch Alsecrath genennet werden. Mehr fande ich alda
 ihrer Alhabari, die vnseren Pfähinen nit fast vnehnlich/
 auch wol so groß seind/ vnnd darzüwenig fliegen. Von
 vierfüßigen Thierlein/ hab ich alda etliche gefunden/ son-
 derlich aber deren/ so den Zibeth tragen/ welche zu zeiten
 in Carouanen auß ferneren Landen/ als India dahin ge-
 bracht werden. Mehr ersah ich alda im Fundique dess
 Herren Consulis der Benediger noch ein anders/ welches
 ein sehr scharpffes gesicht wie ein Luchs hat/ vnnd so ein
 gleiche gestalt vnserer Katzen/ das auch solches nit bald/
 dann allein seiner grösser halb (als das vil höher/ vnnd vmb
 ein zimlichs rahner) von denen war zü vnderscheiden. Ist
 ein wildes vnnd vnwendiges Thier / wie dann ihme sein
 Mann selb darbey gefürchtet/ dem es auch auff ein zeit le-
 dig worden/ vnnd vnden im Hof hincin kommen ist/ inn
 das

das hinder Gewelblein des Apotekers/ darinnen er eben vil lehrte Gläser/ die ihme erst von Venedig waren zukommen/ stehn hatt/ deren hat es ehe mans wider gefangen/ bald mehr als den halben thail zerbrochen. Gleich zu meiner zeit/ wurde auch nach Constantinopoli durch gefüret/ ain junger Rhinocerot, der ferne auß den Nozgeländern hieher gebracht worden/ welcher ehe man ihn gefangen/ wol in 20 umbgebracht. Inn diser Statt fürens auch täglich Löwen an kettinen angeleget/ durch die gassen herum/ welche vornen haben hangen kleine Glöcklein/ damit ihrer jeder meniglich belder möge gewahr nemmen. Die seind so zam/ das auch ihre Leüth zu zeiten mit ihnen ringen/ auff freyem platz/ erwilden auch nit bald/ es seye dann/ das sie Schäßlein erschen/ da haben ihre hütter als dann offit gnüg zuschaffen/ die zuhalten/ vnnnd abzustillen. Außerhalb inn Grenzen herum/ werden auch hin vnnnd wider im hohen gesteüß vil Chamæleones gefunden/ welche ein wenig grösser/ als die grüne Edechsen/ aber vil magerer vnnnd höher auff ihren füßlein seind: haben ein sehr faulen langsamen gang/ vnd mögen lang wie die Schlangen ohn gessen bleiben/ ist ein heftlichs Thierlein/ wann wirs auff ein gefarbttes Luch gesetzt/ als ein rots / gelbes / schwarzes ic. hat sich vnläng hernacher sein liecht grüne farb sichtbarlicher weiß inn dieselbige farb des Luchs verändert.

Als ich nun endelich meine geschafft verrichtet / vnnnd darzwischen auch schreiben von meinen gesellen so zu Tripoli waren / hatte empfangen / machet ich mich ihrem begeren nach bald auff / vnnnd kam noch am 5 Maij. des 75 Jars widerumb zu ihnen gehn Tripolim. Gleich nach etlichen wenigen tagen / kam auch da an mit Waren / ihrer